

UNTUK SIARAN SEGERA

7 JULAI 2018

**SAMBUTAN ULANG TAHUN KE-10
TAPAK WARISAN DUNIA UNESCO GEORGE TOWN
MERAIKAN SEDEKAD DALAM PEMELIHARAAN WARISAN BUDAYA**

GEORGE TOWN: Kepelbagaian budaya George Town dijadikan tumpuan utama dalam Festival Jalanan bagi Perayaan Warisan George Town 2018 sempena meraikan ulang tahun ke-10 Tapak Warisan Dunia UNESCO George Town.

Perayaan warisan tahun ini yang diadakan oleh George Town World Heritage Incorporated (GTWHI) bertemakan ‘POTENTIAL – Dari Kisah Silam, Untuk Masa Kini, Demi Masa Hadapan’, menggambarkan potensi George Town dalam pembangunan masa hadapan berdasarkan pengalaman dahulu serta usaha yang dilakukan masa kini. POTENTIAL juga mengandungi perkataan ‘TEN’ yang melambangkan tahun ke-10 sejak pengiktirafan George Town sebagai Tapak Warisan Dunia UNESCO George Town pada 7 Julai 2008.

Terdapat 25 bengkel komuniti dalam Festival Jalanan yang dilangsungkan pada 7 Julai 2018 (Sabtu), dari jam 6 petang hingga 11 malam, telah mempamerkan keunikan ciri-ciri budaya dan tradisi mereka melalui persembahan makanan, permainan, kraf tangan dan bahasa. Bengkel-bengkel komuniti tersebut terdiri daripada empat bahagian, antaranya ialah Perayaan Kemakmuran, Kraf Buatan Tangan, Keenakan Rasa dan Aktiviti Leisure.

Antara komuniti yang terlibat dalam Festival Jalanan ini ialah Badan Warisan Masjid Melayu Lebuah Aceh Pulau Pinang, Malaysian Pakistani League Penang, Persatuan Warisan Nattukottai Nagarathar, Persatuan Malayali Malaysia Utara, Persatuan Hainan Pulau Pinang, Persatuan Siam Malaysia, Cawangan Pulau Pinang, Persatuan Teochew Pulau Pinang, *Masjid Kapitan Keling Qaryah Committee and Indian Muslim Community Organisation Malaysia* (iMcom), Persatuan Gujarati Samaj Pulau Pinang, Persatuan Kwangtung dan Tengchow, *Malaysian-Japanese Society*, Persatuan Peranakan Cina Pulau Pinang, Persatuan Hindu Pulau Pinang, Warisan Balik Pulau, Liga Muslim Pulau Pinang, Persatuan Eurasian Pulau Pinang, Persatuan Hakka Pulau Pinang, Sikh Naujawan Sabha Malaysia Cawangan Pulau Pinang, Persatuan Hokkien Pulau Pinang, Persatuan Malaysian-Jerman dan Persatuan Telugu Malaysia, Cawangan Pulau Pinang.

Pengurus Besar GTWHI, Dr Ang Ming Chee berkata, George Town kekal menjadi sebuah bandar kosmopolitan yang dinamik sejak penubuhannya 232 tahun yang lalu.

“Di sinilah, generasi dahulu melakukan pertukaran barangan, idea, tradisi, makanan dan muzik. Pada masa yang sama, mereka juga mempelajari, menghormati dan menerima kepelbagaian budaya dalam suasana yang terbuka serta memberi penghargaan antara satu sama lain.



**GEORGE
TOWN**
WORLD
HERITAGE
INCORPORATED

George Town World Heritage Incorporated (GTWHI) 899127-U
116 & 118, Lebuah Aceh, 10200 George Town,
Pulau Pinang, Malaysia.
T: +604 261 6606 • F: +604 261 6605
www.gtwhi.com.my



MELAKA & **GEORGE TOWN**
Historic Cities of
the Straits of Malacca

“Pengalaman dahulu telah memperkaya identiti penduduk di George Town dan Pulau Pinang. Kami berasa bangga untuk mewarisi adat resam, gaya hidup, monumen dan barangan yang diturunkan dari generasi ke generasi. Di samping itu, kami juga mengalami jatuh bangun semasa melakukan usaha pemeliharaan dan penjagaan warisan budaya,” jelas beliau dengan menambah bahawa pengiktirafan George Town sebagai Tapak Warisan Dunia UNESCO pada 7 Julai 2008 adalah peluang yang baik bagi usaha memelihara dan menjaga warisan budaya George Town.

Pada masa yang sama, sebuah majlis perasmian juga diadakan untuk merasmikan Tugu Plak Ulang Tahun ke-10 yang diletakkan di Taman Armenian bagi meraikan 10 tahun perkembangan sejak George Town dan Melaka: Bandar-bandar Bersejarah di Selat Melaka disenaraikan sebagai Tapak Warisan Dunia.

Aktiviti perayaan warisan tahun ini juga merangkumi aktiviti Jejak Tapak Warisan dengan mengunjungi 8 buah rumah ibadat di Pulau Pinang, antaranya ialah Gereja St. George, Gereja Assumption, Masjid Kapitan Keling, Kramat Dato Koyah, Kuil Nattukottai Chettiar, Gurdwara Sahib Polis, Masjid Melayu Lebuah Aceh dan Kuil Thai Pak Koong.

Dengan sokongan Kerajaan Negeri Pulau Pinang, Perayaan Warisan George Town 2018 dijayakan dengan kerjasama Majlis Bandaraya Pulau Pinang, Penang Global Tourism dan Suruhanjaya Kebangsaan UNESCO Malaysia (SKUM).

Untuk mengetahui maklumat lanjut, sila hubungi:

Josephine Jalleh

Communications and Collaborations Manager

George Town World Heritage Incorporated

T: 04-261 6606 / 017-446 5366

E: josephine@gtwhi.com.my